

MFEFERE UKUT NNYIN

2 **Ŋwed Corinth 4:17, 18; 5:1-10.**

QYQHỌ UKPEP-ŊKPỌ 396

Eke Ikpọ Owo

IKỌ IBUOT: “Mfefere ukut nnyin, emi midibigike bigi, ọdọdion anam nnyin inyene nsinsi ubon, eke okponde odobi” (2 Ŋwed Corinth 4:17).

I Mme Ukut Ndinen Owo

1 Ndikut ukut ke ntak Christ anam owo enyene nsinsi ubon, 2 Ŋwed Corinth 4:17; 2 Ŋwed Timothy 2:12; Mme Hebrew 12:11.

2 Ŋkukut Spirit owut nte mme nkpo emi edibigide ke nsinsi ososode urua, 2 Ŋwed Corinth 4:18; Psalm 102:25, 26; Eriyarare 21:1.

II Idorenyin Heaven

1 Abasi enyene ebiet emi ema eketim ema onọ mmọ emi Enye afakde, 2 Ŋwed Corinth 5:1; John 14:2, 3.

2 Odu ntotuño udon ke esit nti ndito Abasi ke abana Heaven, 2 Ŋwed Corinth 5:2-4, 6-8; Ŋwed Mbon Philippi 1:23.

3 Edi Spirit onọ mme anam akpaniko enwonon nsinsi uwem, 2 Ŋwed Corinth 5:5; 1 Peter 1:4, 5.

4 Kpukpru enyene ndiworo nda ke iso itie-ikpe Christ, 2 Ŋwed Corinth 5:9, 10; Ŋwed Mbon Rome 14:10.

SE EKPEPDE EBAÑA

Ke ediwak isua emi ebede, ata ediwak owo emi enamde utom ke ebiet emi edionde ubom-ison ema edomo nte esiode ukwak emi akamade mkpono emi odude ke edem ubom-ison. Okposuk edi nte mmọ ema ekese ofuri ukeme mmọ enyuan edomo ke kpukpru usu, edi ukwak emi okosuk ososon esine ke itie esie. Ke akpatre etubom utom oro ama odoho ete, “Enam ikañ ofiop man nnyin ida ifop ukwak esisit.” Ke nkpo nte nto-inkanika kiet me iba, ke mmọ ema ekeda ikañ edomo, ukwak oro adianare onyuan emem nte esiode.

Nte emi itinke iwut usu nte Abasi anamde nkpo ye mme owo? Enye odomo ke ediwak usu ndinam mme owo enyime uduak Esie, edi ekese ini mme owo inyimeke. Ke akpatre Obon onyime eda ikañ edomo (ke ediwak idaha ikañ ukut); ndien esit onyime ini kiet.

Ubon Emi Odobide

Ikọ Abasi odoho ete ke ukut “ododion anam nnyin inyene nsinsi ubon, eke okponde odobi.” Mi Spirit ke etin abana nte mme ukut eduride owo edian ye Abasi. Ukut osim mme idiok owo nko; edi ke ukut mmọ edieke mmọ midikabakere itiene Abasi, ndutuhọ mmọ ididoroke mmọ udori. Mme ukobo, mme ubion, edisuhore idaha, nsuana ekikere, mba, erikpu, ukut, mfuhọ: kpukpru mme nkpo emi etiene ebuana ke mme ukut emi ke ndusuk ini ekotde owo asana ebe ke esit.

Ke owo ayakde ukut ada enye esin ke erinyime uduak Abasi, ukpon esie ototon ndibat nkpo nsinsi nte akpan nkpo. Edi mfefere ukut ke ini edade edomo ye nsinsi ubon emi odobide. Ukut edi mfefere, ubon onyuan edi nsinsi “eke okponde odobi,” koro mme isua ke uwem emi esosop, edi uwem nsinsi inyeneke utit.

Chrysostom, okworok-iko emi ekedionde ke isua ikie inan nte Christ akakpa, ekere abana mme ikọ emi “Owo-mbet esin mme nkpo eke edude ke emi, oyom mme nkpo ini iso; esisit ini ke nsinsi ini; se

iferede ke se idobide, ukut ke uboñ. Enye inyuñ iyuhọke ke emi, edi adian ikọ, afiak adian odoho ete, ke nditim ntiñ ke ukut “se itim ikponde ikan.”

Ñkukut Spirit

Ñwed Abasi owut kpukpru ini, ndisime emi odude ke ndimenere mme ñkpọ eke enyin okutde (ñkpọ uwem emi) ntim ke itie ata akpan ñkpọ ke uwem oro. Mme ñkpọ eke owo mikemeke ndikut ke enyin ikpohidem (mme ñkpọ nsinsi) edi mme ñkpọ eke ekom-urua mmọ esọñde eti eti. Edi ke adañemi owo okutde uwem emi nte ñtoño isañ Heaven, ererimbot emi nte ebiet ntim idem ndiduk ke Uboñ, do ndien ke owo enyene ata inem idorenyin. Nditọ Abasi emi ekekande ke Ñwed Abasi ekeda mme ñkpọ ererimbot emi mfefere-mfefere, edi esin esit, etim eyire ke sededi eke mmọ enamde mme edofoke ke abaña eriset ke mkpa eke enyenede uboñ. Nditọ Abasi emi edide mme andikan mfin inyeneke ndinam se isuhorede idaha ikan oro.

Owo ekeme didie ndikut se owo “mikwe ke enyin”? Edi ndise Oboñ Jesus Christ ke mbuotidem. Mbemiso Columbus akanam isañ oro ekeutde Obufa Ererimbot, mme owo ema efaña ebaña se inade ke edem akpa. Ke ndusuk idaha emi ñko edi akpanikọ ke etiñde ebaña ñkpọ nsinsi uwem. Jesus Christ edi Andinam usuñ. Mbemiso Enye ekedi ndiduñ ke ererimbot, onyuñ akpa, onyuñ eset ke uboñ Esie, nsinsi ini ekedi mbume ke ekikere ediwak owo. Ke akpanikọ, mbemiso Christ, ndusuk nditọ Abasi ema enọ ikọ-ntiense ebaña mbuotidem mmọ ye idorenyin nsinsi uwem; edi ke ini Jesus ama ekedi, Enye amakabare odu uwem uwut-ñkpọ ete ke idorenyin emi edi akpanikọ. Ke ndiwuk enyin nse Jesus Anditoño ye Andinam mbuotidem nnyin osọño ada, nnyin imekeme ndise nsinsi ini ye iwuk, ke ifioke ite ke Abasi ama otim ebeñe nsinsi ñkpọ mfon onim onọ mmọ eke ema ekefak. “Itoro enyene Abasi ye Ete Oboñ nnyin Jesus Christ, emi, nte asañade ekekem ye akwa mbom Esie, okobonde nnyin obufa ada esin ke odu-uwem idori-enyin oto ke eriset Jesus Christ ke mkpa; ete nnyin idida udeme eke mikemeke ndibiara, eke ñkpọ misabakere, eke minyuñ ikemeke ndibe mfep, inyene” (1 Peter 1:3, 4).

Ata Ifioke

“Koro nnyin imofioke ite, edieke ataya eke idañde ke esit ke ison emi owurede, imenyene ufok eke Abasi onode, eke midaha ubok owo ibop, eke ebighide ke nsinsi ke Heaven.” Ufañ ñwed emi etiñ aña-aña abaña mkpa ke obukidem, edi baba mfuhọ iduhe. Utu ke oro, edi inyene ata udon ye idorenyin; ntak emi mikpedighe ntre?

Ke ini ufok ererimbot emi akabarede edi akani onyuñ abiarade, oyom etoño ntak ebop. Andinyene ufok osioño mme andiduñ, ndien owuri akani ufok oro oduok, onyuñ obop obufa, ata eti ufok emi eyede onyuñ ofonde akan. Emi inamke mme andiduñ efuhọ, edi utu ke oro akabare anam mmọ ekop inemesit. Mmọ ikereke ñwure akani oro, koro mmọ ekedade ekut obufa ufok eke edidide.

Ndisie emi edi se Spirit owutde ke ukpep-ñkpọ emi. Abasi esinam mbiet utom emi ke ini eyen Abasi okponde uwem emi. Spirit, mme ukpon owo, aka etiene Abasi emi okponde. Ufok ererimbot mme ikpohidem, owure, afiak etiene se ekedade ebote enye. Ke edikem ini Abasi, ikpohidem eyeset oto ke ntan enyuñ enam enye akabare edi ikpohidem eke midibiarake. Ukpon ye ikpohidem-ubon eyediana kiet ke usen oro, edu ye Oboñ ke nsinsi (1 Ñwed Corinth 15:51-54). Ekikere ediworo mkpon ataya eke ererimbot emi ididaha oyomo-nsia ino ata eyen Abasi, koro enye ofioke ete eti ebiet iduñ ke ebete imo.

Ke ñkañ eken, kpa ke idem itie ikọ Abasi emi, enyene ndiwuk enyin nse se iditibede ini oro. Owombet ama odoho ete: “Ekikere asiaha mi iba; odon ñkodu ye Christ, koro edi oro otim ofon akan: edi kabaña ufon mbufo, akam ana nte nsuk ndu uwem ke obukidem” (Ñwed Mbon Philippi 1:23, 24). Kiet ke otu mme akpa okworo ikọ-Abasi ke Apostolic Faith, ke ini andino mbon udono usobo ke ufok ibok okobupde mme enyene ñkpọ eke ikemedede ndinam nno enye man osuhore ubiak esie, iboro esie ekedi: “Furi okom nyuñ yak mi nnyon”. Mbuotidem esie ikenyekke edi enyene iwuk. Ke ata ekpri ini ebete, uwem esie okure enye onyon aka ndidu ye Oboñ.

“Ukem-ukem Ñkpọ Emi”

“Enye emi ekebeñede nnyin onim onọ ñkpọ emi edi Abasi” ke akpanikọ, ikọ emi ada ekpere se etiñde emi: “Man uwem ekpemen se inyenede ndikpa emen.” Spirit ekpep ete ke Abasi edi ada usuñ ke

uwem ikọt Esie. Uwem ata anditiene-Christ itiehe nte mbufut mmọñ, mme uwak ekikere ke abañã se ikemedede nditibe emi owo mikodorike enyin. Odu Odudu nda-usuñ ke uwem kpukpru nditọ Abasi kpa Odudu emi asañade aka Heaven.

Spirit Abasi anam utom ke esit kpukpru owo emi enyimedede, ndibeñe mmọ idem ndika Heaven. Edi akpanikọ ete, ke owo emi enyañade enyene nsinsi uwem ke esit esie, edi itie mmọdo ye ntak ndikọri ke Spirit nnyuñ nsim mfọn-mma. Ewet ñwed kiet etiñ abañã ekikere emi ke ediye usuñ: “Ukpep-ñkpọ ime ke mme mfuhọ nnyin ye mme inemesit nnyin, ufiop oro atarade ye mbit-mbit emi anamde esit odobi, uñwana emi anamde ekop inem ye ekim emi anamde enyin ye Spirit edu ke mfuhọ, kpukpru emi edi ndida ñkpep nnyin ñkpọ ke abañã uwem emi ọfọnde ama, emi ukpọñ emi ọfọnde ama, adade ikpọhidem emi ọfọnde usuñ ke ererimbot emi ọfọnde.” Heaven eyekem ke kpukpru nsin ifik nnyin.

Itie-Ikpe

Mbubehe owo Abasi ke uwem emi ndien edi ndinem Christ esit nnyuñ mbeñe idem nnọ Heaven. Ọyọhọ edinam utom emi mma edi edida esit ye uwem nsin ke ofuri edinam Ikọ Abasi, ndinyuñ ndomo kpukpru usuñ ndisuan etop Ikọ Abasi nnọ kpukpru owo ke ererimbot. Christ eyenyime mme mmọ oro enamde uduak Esie.

Mmọ emi esinde ndinam uduak Abasi enyene ndida ke ikpe ke ntak emi mmọ ekesinde ye ke ntak idiọk-ñkpọ emi mmọ ekenamde. “Enye omonim usen eke Enye edikpede ikpe ọnọ ererimbot ke edinen ido, ke ubọk owo emi Enye ekemekde; Enye onyuñ ada erinam emi Enye anamde Owo oro eset ke mkpa ayarare owut kpukpru owo ete edidi ntem” (Utom Mme Apostle 17:31). Nte ededi, “Idiọk-ñkpọ ndusuk owo eyarade, ebem iso ewọrọ ubiere-ikpe; edi idiọk-ñkpọ ke etiene ndusuk owo ke edem” (1 Ñwed Timothy 5:24). “Edieke nnyin iyararede mme idiọk-ñkpọ nnyin, Enye edi anam-akpanikọ onyuñ enen, ete ifen mme idiọk-ñkpọ nnyin, inyuñ iyet nnyin isana ke kpukpru mme ukwañkpọ” (1 John 1:9).

Mmọ oro ema ekewet enyin mmọ ke Ñwed uwem Eyen-erọñ inaha nte ekop ndik ubierikpe, koro mmọ ema ebere ikpe idem mmọ oto ke Ikọ Abasi. (Se 1 Ñwed Corinth 11:31) Ke ikọ efen, mmọ ema etim ekpeme ndinam Ikọ Abasi, ema enyuñ etua mkpọfiọk ekabare ekpọñ mme idiọk-ñkpọ mmọ, mmọ ema ebuotidem ye Eyen Abasi nte Andinyaña mmọ. Ema eyet mme idiọk-ñkpọ mmọ oto ke Iyip Enye emi ekekọñde. Edika iso ke utọ idaha mfọn mma emi, mmọ ekeme ndibọrọ “ih” ke ikọ ikwọ emi:

*“Nte afo emebe ñe idem?
Nte afo emebe ñe idem?
Nte afo emebe ñe idem?
Ke Usen Ikpe?”*

MME MBUME

- 1 Didie ke owo Abasi ekeme ndidọhọ ete, “Mfefere ukut nnyin emi midibighike bigi”?
- 2 Nso ke mme ukut enam ke akpatre ke uwem eyen Abasi, edieke enye ọbọde ke eti esit?
- 3 Ke ewe usuñ ke nnyin ikeme ndikut mme ñkpọ emi owo “mikwe ke enyin”?
- 4 Ewe usuñ ke Abasi ebeñe nti ikpọ onim ọnọ nditọ Esie ke ini ekpọñde uwem emi?
- 5 Siak itie kiet ke out ediwak itie Ikọ Abasi emi owutde ete ke ndusuk ini nditọ Abasi esikop udọñ ndinyọñ ñka Heaven.
- 6 Nso ikpedi idorenyin owo Abasi ke utọm esie?
- 7 Nso idi ntak eke eyen Abasi minyeneke ndikop ndik ke abañã itie ubiere ikpe Christ?
- 8 Nso ke idiọk owo edinyene ndibọrọ mbaña ke Usen Ikpe?